



Kozaračka 11 75000 Tuzla, Tel/fax: 387 35 369 092 502, 035 273 502, Mail: dom.tz@bih.net.ba

Broj: 3071-01/25

Datum: 13.11.2025. godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI DOM

n/r Predsjedavajući

Bosna i Hercegovina Federacija Bosne i Hercegovine PARLAMENT FEDERACIJE SARAJEVO			
Primijeno: 17.11.2025			
Org. jed.	Broj	Priloga	Vrijednost
05/1	-02-	665	125

PREDMET: Odgovor na zastupnička pitanja zastupnika gosp. Čavalić Admira, dostavlja se-

VEZA: Vaš akt broj 05/1-02-665/25 od 04.11.2025. godine.

Poštovani,

U skladu sa Vašim zahtjevom nastojat ćemo Vam odgovoriti što konkretnije, a da pri tome ne narušimo integritet istrage koja je još uvijek u toku.

Naime, JU Dom za djecu bez roditeljskog staranja Tuzla (Dom) organizovan je u tri organizacione jedinice:

. Organizaciona jedinica Domskeg smještaja, namjenjena za dugoročni smještaj djece bez adekvatnog roditeljskog staranja uzrasta od rođenja pa do sticanja punoljetstva.

- Organizaciona jedinica Prihvatište za djecu koja predstavlja kratkoročni smještaj na period do maksimalno 90 dana, odnosno do iznalaska adekvatnog smještaja za djecu. Namjenjen djeci i mladima kojima je neophodno hitno zbrinjavanje, djeca zatečena u skitnji i prosijačenju, ekonomskom i radnom izrabljivanju, te žrtvama nasilja i trgovine ljudima.

- Organizaciona jedinica Dnevni centar za djecu koja predstavlja odjel za dnevnu podršku djeci sa poremećajima u ponašanju i emocijama kao i prevenciju izdvajanja djece iz porodica.

Pitanje 1: Da li su djevojčice koje su žrtve zloupotrebe bile korisnice usluga Doma za djecu bez roditeljskog staranja Tuzla?

Odgovor:

U odgovoru na ovo pitanje želimo skrenuti pozornost da Dom još nije zaprimio zvaničan dokument bilo koje institucije koji nedvosmisleno ukazuje o kojim djevojčicama je riječ kada je u pitanju ovaj konkretan

slučaj. Iz medijskih istupa sa saslušanja djevojčica, izjava Tužilaštva i Zahtjeva za dostavu podataka koji smo zaprimili dana 25.09.2025. godine od strane MUP TK-a za dvije djevojčice u kojem su tražili da ih izvijestimo u kojem su periodu te djevojčice bile na smještaju kod nas u Prihvatištu, sastanaka sa resornim Ministarstvom, te Zahtjevom za izvještaj o poduzetim radnjama Vlade TK i Skupštine TK možemo zaključiti o kojim djevojčicama je riječ.

Radi zaštite identiteta djevojčica iste ćemo označiti oznakama **A i B**.

Djevojčica A smještena u Prihvatište tri puta zbog bježanja od kuće i skitnje. Prvi boravak djevojčice je bio u februaru 2024. godine na 15 dana kada je ista posredstvom Centra za socijalni rad vraćena u biološku porodicu. Zadnji boravak djevojčice A evidentiran je u noći 27/28 aprila, a ista je kroz prozor Prihvatišta pobjegla zajedno sa djevojčicom B naredne noći 28/29. april 2024. godine.

Djevojčica B u Prihvatište smještena više puta (ukupno manje od dva mjeseca) zbog skitnje i bježanja od kuće, kao i nasilja u porodici od strane djeda. Prvi boravak djevojčice u prihvatilištu evidentiran je u periodu od 27.12.2023. godine do 02.02.2024. godine. Poslednji put u Prihvatištu Djevojčica B bila smještena 07.05.2024. godine kada je isti dan prilikom smještaja od strane Centra za socijalni rad odbijala boravak u Prihvatištu i istog dana (07.05.2024. godine) po smještaju i pobjegla iz Prihvatišta.

Iz predhodno navedenog vidljivo je da maloljetne djevojčice nakon ovog perioda (**Djevojčica A – posle 29. aprila 2024. godine, djevojčica B posle 07. Maja 2024. godine**) nisu bile u Prihvatištu. Što dalje implicira da u vremenu istražnih radnji koje je provodio MUP TK djevojčice nisu bile smještene u Prihvatištu, a samim tim nisu korisnice naših usluga nakon ovih datuma iz 2024. godine.

Pitanje 2. Koje konkretne mjere su uvedene nakon saznanja o ovom slučaju radi zaštite ostale djece u Domu?

Odgovor:

Dom kroz svoje aktivnosti nastoji osigurati sigurno utočište za sve korisnike naših usluga. Već od ranije postoji kompletna pokrivenost video nadzora zajedničkih prostorija Doma (hodnici, kuhinja, biblioteka, stepeništa, ulazi i izlazi...) kao i vanjskog dvorišta (ulazi u Dom sa svih strana te nadzor nad vanjskim djelovima Prihvatišta). Od polovine 2024. godine Dom, upravo zbog Prihvatišta, angažuje iz vlastitih izvora finansiranja i fizičku zaštitu na 8 sati dnevno tokom cijele sedmice.

Kada su u pitanju aktivnosti koje su poduzimane nakon saznanja o zloupotrebi maloljetnica koje se dovode i u kontekst Doma, održan je niz sastanaka stručnih saradnika sa djecom starijeg uzrasta koja mogu da pojme dešavanja i koja imaju pristup internetu te informacijama koje su nemilosrdno bacale ljavu na Dom i njegove korisike. Djeci kojoj je bila neophodna daljnja stručna podrška upućena su stručnim saradnicima na daljnji rad. Obzirom da Dom provodi i politiku zaštite djece sa posebnim osvrtom na Nultu toleranciju na nasilje bilo kojeg oblika sa djecom su održane radionice koje za cilj imaju pružanje djeci pouzdanih informacija kome da se obrate u slučaju potrebe i način na koji će im sva podrška biti pružena.

Također je Dom u svom Saopćenju za javnost, putem medija, zatražio da se obustavi iznošenje netečnih, nepouzdatih i zlonamjernih informacija koje za cilj imaju degradaciju Doma i koje nanose veliku psihološku štetu drugoj djeci smještenoj u Domu (navest ćemo primjer djevojčice srednje škole kojoj su druga djeca u školi postavljala zlonamjerna pitanja „jesi li ti ta što za pare?“).

Stručni saradnici Doma i dalje prate potrebe djece i u skladu sa potrebama i planom intervencije rade sa djecom koja trebaju određenu vrstu podrške.

Pitanje 3: Da li je uveden sistem video nadzora i kontrola pristupa prostorijama Doma?

Odgovor:

Kako je već navedeno Dom ima dobru pokrivenost video nadzora u skladu sa politikom i pravilnikom o zaštiti ličnih podataka korisnika. Video nadzorom su pokrivenne sve zajedničke prostorije Doma koje koriste djeca (izuzev spavaona, sanitarnih čvorova i dnevnog boravka odgojne grupe). Sistem video nadzora čini ukupno 22 video kamere, od toga 12 unutarnjih kamera i 10 vanjskih.

Ulazak svih trećih lica u Dom se uredno evidentira u propisane knjige evidencije trećih lica. Tokom boravka fizičkog zaštitara on evidentira ulaske trećih lica tokom 8 sati njegovog rada, ostali dio vremena podatke evidentira dežurni Odgajatelj Doma.

U slučaju pojavljivanja sumnjivih lica koja obilaze Dom vrši se prijava najbližoj policijskoj stanici koji odmah izlaze na teren i sa kojima u dosadašnjem periodu imamo izuzetno dobru saradnju.

Pitanje 4: Da li je Dom imao interne prijave, upozorenja ili sumnje koje nisu na vrijeme prosljeđene Centru za socijalni rad ili tužilaštvu?

Odgovor:

Internima aktima Doma i Pravilnikom o kućnom redu navedena je procedura obavješćavanja Centara za socijalni rad i policije u slučajevima određenih saznanja.

Npr: Prilikom saznanja da je dijete bez odobrenja napustilo dvorište Doma radnik koji prvi saznaje tu informaciju obavješćava dežurnog socijalnog radnika nadležnog za dijete i najbližu policijsku stanicu (PS Istok – u našem slučaju.).

Npr: Ukoliko stručni saradnik od djeteta dobije određene informacije koje se tiču eventualne zloupotrebe djeteta, stručni saradnik odmah po saznanju obavješćava policiju i dežurnog socijalnog radnika usmeno a zatim i pismenim putem. I sl.

U konkretnom slučaju stručni radnici Doma redovno su izvješćavali Centre za socijalni rad o svim promjenama kod djeteta, njegovom potrebama i rezultatima rada.

Radnici Doma usko sarađuju sa inspektorima OKP- Tuzla i često imaju komunikaciju sa istima u zavisnosti od problematike koja se dešava, a što se naročito odnosi kada su u pitanju djeca smještena u prihvatilište za koje tužilaštvo provodi određene aktivnosti.

Napomena: U obrazloženju svojih Zastupnički pitanja gosp. Čavalić je istakao razloge postavljanja istih, te osjećamo potrebu da ukažemo na par prijedloga u cilju iniciranja reformskih mjera.

1. Osnivanje ustanove na području Tuzlanskog kantona koja će se baviti smještajem i radom sa djecom koja pokazuju elemente rizičnog ponašanja, tipa sklonosti vršenju nasilničkih radnji, zloupotrebi alkohola i opojnih droga, kao i djecu sa psihološkim problemima u funkcionisanju.

Razlog za ovakav prijedlog je jer se takva djeca obično smještaju u Prihvatilište Doma koje ne može da pruži adekvatnu brigu toj djeci, jer isto prevazilazi i djelatnost i stručnost za rad sa takvom djecom. Centri za socijalni rad, često zbog nemogućnosti adekvatnog zbrinjavanja ove kategorije djece istu smještaju u Prihvatilište čime se u opasnost dovode druga djeca koja su tu već na smještaju, a koja ispunjavaju uslove za smještaj.

Npr. u Prihvatilište bude smješteno dijete koje je skolono vršenju fizičkog nasilja nad drugom djecom – vršnjačko nasilje u momentima kada u prihvatilištu boravi dvoje mlađe djece koja su žrtve nasilja i koja

smještajem „nasilnika“ proživljavaju dublje traume i dolazi do ne primjerenih oblika ponašanja, poremećaja spavanja i ne mogućnosti kontrolisanja sfinktera.

2. Jasno definisanje kategorije djece koja mogu biti korisnici Prihvatišta – odnosno revidiranje postojećeg Protokola za prevenciju i postupanje u slučajevima prosijačenja i drugih oblika eksploatacije djece u TK, čiji su potpisnici četiri ministarstva u Vladi TK, Tužilaštvo TK, Dom i Kantonalni tim za borbu protiv trgovone ljudima. – Nadležnost Vlade TK

3. Izmještanje prostorija Prihvatišta za djecu iz zgrade Doma

4. Jačanje stručne kadrovske strukture za rad u Prihvatištu za djecu.

S poštovanjem

Dostavljeno:

2x Naslovu

1x a/a



Direktorica

Sećerbegović Amila

Sećerbegović Amila

